

এসআইবিএল ফাউন্ডেশন হাসপাতাল

আপনার হাসপাতাল, আমাদের হাসপাতাল।

আমাদের হাসপাতালের উন্নয়নে
আমাদের সবাইকে এগিয়ে আসতে হবে।
আপনার আত্মীয় স্বজন, বন্ধু বা কবচকে
আমাদের হাসপাতালের কথা বলুন।
আপনার, আপনারদের আত্মীয় এবং আপনারদের পাঠানো
যে কোন রোগীর জন্য সর্বোচ্চ

৪০% ডিসকাউন্ট।

সজাগ দৃষ্টি রাখুন

- ▶ প্রতি বৃহস্পতিবার রিভিউ মিটিং
- ▶ দৈনিক প্রত্যেক অফিসার ১টি নতুন একাউন্ট
- ▶ সপ্তাহে প্রত্যেক অফিসার ১টি রিটেইল ব্যাংকিং
- ▶ সপ্তাহে প্রত্যেক অফিসার ১টি এসএমই
- ▶ সপ্তাহে প্রত্যেক শাখা ১টি আইআরএমডি
- ▶ মাসে প্রত্যেক অফিসার ২টি ক্যান্ডিডেট
- ▶ সপ্তাহে প্রত্যেক শাখা ২টি মাইক্রো ফাইন্যান্স
- ▶ সপ্তাহে প্রত্যেক নন এডি শাখা ১টি এলসি এবং এডি শাখা ১০টি এলসি

|| নিশ্চিত করুন ||

সোশ্যাল ইসলামী ব্যাংকের নবনিযুক্ত ব্যবস্থাপনা পরিচালক ও প্রধান নির্বাহী

জনাব সহিদ হোসেনকে ফুলেল শুভেচ্ছা



গত ২৯ মার্চ, ২০১৭ তারিখে সোশ্যাল ইসলামী ব্যাংক লিমিটেড এর ব্যবস্থাপনা পরিচালক ও প্রধান নির্বাহী হিসেবে যোগাদান করেছেন জনাব সহিদ হোসেন।

নবনিযুক্ত ব্যবস্থাপনা পরিচালক ও প্রধান নির্বাহী জনাব সহিদ হোসেনকে পরিচালনা পর্ষদের পক্ষ থেকে ফুলেল শুভেচ্ছা জানান ব্যাংকের মাননীয় চেয়ারম্যান মহোদয় ও সম্মানিত পরিচালকবৃন্দ।



এরপর সম্মানিত ব্যবস্থাপনা পরিচালক ও প্রধান নির্বাহীকে ব্যবস্থাপনা কর্তৃপক্ষের পক্ষ থেকে ফুলেল শুভেচ্ছা জানান ব্যাংকের অতিরিক্ত ব্যবস্থাপনা পরিচালকবৃন্দ এবং উপ-ব্যবস্থাপনা পরিচালক ও প্রধান কার্যালয়ের বিভাগীয় প্রধানগণ। সকলে নবনিযুক্ত ব্যবস্থাপনা পরিচালকের বলিষ্ঠ ও গতিশীল নেতৃত্বে সামনের দিনগুলোতে ব্যাংক আরও উৎকর্ষের পথে এগিয়ে যাবে বলে প্রত্যাশা করেন।

এসআইবিএল এ যোগাদানের পূর্বে জনাব সহিদ হোসেন সাউথইস্ট ব্যাংকের ব্যবস্থাপনা পরিচালক হিসেবে দায়িত্ব পালন করেন। তিনি ২০০৩ সালে সিনিয়র ভাইস প্রেসিডেন্ট হিসেবে সাউথইস্ট ব্যাংকে যোগাদান করেন এবং পরবর্তীতে উপ-ব্যবস্থাপনা পরিচালক, অতিরিক্ত ব্যবস্থাপনা পরিচালক হিসেবে পদোন্নতি লাভ করেন এবং সবশেষে ২০১৩ সালের ৯ জানুয়ারি ব্যবস্থাপনা পরিচালক এর দায়িত্ব গ্রহণ করেন।



জনাব সহিদ ১৯৮৩ সালে ন্যাশনাল ব্যাংকের প্রবেশনারি অফিসার হিসেবে ব্যাংকিং সেক্টরে তাঁর কর্মজীবন শুরু করেন। তিনি সুদীর্ঘ ৩৪ বছরের ব্যাংকিং পেশায় ন্যাশনাল ব্যাংক, এগ্রিম ব্যাংক, যমুনা ব্যাংক ও সাউথইস্ট ব্যাংকের বিভিন্ন গুরুত্বপূর্ণ পদে দায়িত্ব পালন করেন। তিনি দেশের বিভিন্ন স্বনামধন্য সামাজিক ও সাংস্কৃতিক প্রতিষ্ঠানের সাথেও সম্পৃক্ত আছেন।

তাঁর ৩৪ বছরের দীর্ঘ এবং আনন্দময় ব্যাংকিং ক্যারিয়ারে তিনি ব্যাংকিং খাতের বিভিন্ন গুরুত্বপূর্ণ পদে কাজ করার মাধ্যমে অভিজ্ঞতা অর্জন করেছেন এবং অর্জিত দক্ষতা কাজে লাগিয়ে উন্নত ও আধুনিক ব্যাংকিং এর নানা কৌশল কর্মক্ষেত্রে প্রয়োগ করেছেন। তিনি ন্যাশনাল ব্যাংক লিমিটেড এর জয়েন্ট ভেঞ্চার কোম্পানি গালফ ওভারসীজ এর চেঞ্জ কো. লি. এর সীব শাখার ব্যবস্থাপক হিসেবে ওমানে ৩ বছর দায়িত্ব পালন করেন।

তিনি ১৯৮০ সালে ঢাকা বিশ্ববিদ্যালয়ের রাষ্ট্রবিজ্ঞান বিভাগ থেকে স্নাতকোত্তর ডিগ্রি লাভ করেন। জনাব সহিদ ব্যাংকিংয়ের বিভিন্ন গুরুত্বপূর্ণ প্রশিক্ষণ কর্মসূচিতে অংশ-গ্রহণের জন্য যুক্তরাষ্ট্র, যুক্তরাজ্য, সিঙ্গাপুর, মালয়েশিয়া, থাইল্যান্ড, ওমান, কাতারসহ বিভিন্ন দেশ সফর করেন।

সোশ্যাল ইসলামী ব্যাংক লিমিটেড এর ২২তম বার্ষিক সাধারণ সভা অনুষ্ঠিত



গত ৩০ মার্চ, ২০১৭ তারিখে সোশ্যাল ইসলামী ব্যাংক লিমিটেড এর ২২তম বার্ষিক সাধারণ সভা ঢাকাস্থ ইন্টারন্যাশনাল কনভেনশন সেন্টার বসুন্ধরায় অনুষ্ঠিত হয়। পবিত্র কোরআন থেকে তিলাওয়াতের মাধ্যমে অনুষ্ঠান শুরু হয়। সভায় সভাপতিত্ব করেন ব্যাংকের পরিচালনা পর্ষদের সম্মানিত চেয়ারম্যান বীর মুক্তিযোদ্ধা মেজর (অবঃ) ডাঃ মোঃ রেজাউল হক। অন্যান্যের মধ্যে উপস্থিত ছিলেন সোশ্যাল ইসলামী ব্যাংকের উদ্যোক্তা ও সাবেক চেয়ারম্যান এবং বসুন্ধরা গ্রুপের চেয়ারম্যান জনাব আহমেদ আকবর সোবহান এবং এসআইবিএল এর পরিচালনা পর্ষদের সদস্যবৃন্দ। এছাড়াও উপস্থিত ছিলেন ব্যাংকের নবনিযুক্ত ব্যবস্থাপনা পরিচালক ও প্রধান নির্বাহী জনাব সহিদ হোসেন, ব্যাংকের অতিরিক্ত ব্যবস্থাপনা পরিচালকবৃন্দ এবং উর্ধ্বতন নির্বাহীবৃন্দসহ ব্যাংকের শেয়ারহোল্ডারগণ।



সম্মানিত ব্যবস্থাপনা পরিচালক ও প্রধান নির্বাহী তাঁর স্বাগত বক্তব্যে পরিচালনা পর্ষদের সম্মানিত সদস্যবৃন্দসহ সকল শেয়ার হোল্ডারদের আন্তরিক শুভেচ্ছা জানান। তিনি বলেন, পরিচালনা পর্ষদের দক্ষ, সুষ্ঠু ও বিচক্ষণ দিকনির্দেশনায় ২০১৬ সালে গ্রাহক আমানত, বিনিয়োগসহ বিভিন্ন সূচকে ইতিবাচক অগ্রগতি হয়েছে। ব্যবস্থাপনা পরিচালক মহোদয় সোশ্যাল ইসলামী ব্যাংকের মতো শরী'আহ ভিত্তিক একটি ব্যাংকে কাজ করার সুযোগ পেয়ে সন্তোষ প্রকাশ করেন এবং উল্লেখ করেন যে, এই ব্যাংক ইতোমধ্যে তার পণ্য ও সেবাসমূহ বিভিন্নভাবে বিস্তৃত করেছে এবং এর ফলে গ্রাহক-গণ নানামুখী সেবা পাচ্ছে।



ব্যাংকিং ইন্ডাস্ট্রিতে সোশ্যাল ইসলামী ব্যাংককে সর্বোচ্চ পর্যায়ে নিয়ে যেতে ব্যবস্থাপনা পরিচালক মহোদয় তাঁর প্রত্যাশার কথা ব্যক্ত করেন। এজন্য ব্যাংকের Operational Procedure এ কিছুটা Restructuring and Fine Tuning এর প্রয়োজন হবে এবং এজন্য আন্তর্জাতিক বাজারের সাথে সমন্বয় রেখে এই ব্যাংকের প্রোডাক্ট ও সার্ভিসে আরও ইতিবাচক পরিবর্তন করা হবে বলে তিনি আশাবাদ ব্যক্ত করেন।



স্বাগত বক্তব্যের পর এজিএম এর এজেন্ডা উপস্থাপন করেন কোম্পানি সেক্রেটারি জনাব মোঃ ছুমায়ূন কবীর। এরপর বক্তব্য রাখেন আমাদের ব্যাংকের মাননীয় চেয়ারম্যান।



ব্যাংকের মাননীয় চেয়ারম্যান বীর মুক্তিযোদ্ধা মেজর (অবঃ) ডাঃ মোঃ রেজাউল হক তাঁর বক্তব্যে উল্লেখ করেন যে, ২০১৬ সালে সোশ্যাল ইসলামী ব্যাংক পরিচালনা মুনাকাফা, বিনিয়োগ, আমানতসহ সকল খাতে উল্লেখযোগ্য অগ্রগতি অর্জন করেছে। তিনি বলেন এসআইবিএল শুধুমাত্র মুনাকাফা অর্জনকারী একটি প্রতিষ্ঠানই নয়, বরং একটি দরদী সমাজ গঠনের লক্ষ্যে এই ব্যাংক নানাধরনের সামাজিক কর্মকাণ্ড পরিচালনা করে থাকে। তিনি বলেন, আধুনিক প্রযুক্তিনির্ভর সুদক্ষ ব্যাংকিং সেবা প্রদান করে আমরা মানুষের প্রত্যাশা পূরণে কাজ করছি।



তিনি বলেন, আমাদের ব্যবসায়িক কর্মকাণ্ড এবং সেবার পরিধি সময়ের সাথে সাথে বেড়েই চলেছে। ২০১৬ সাল শেষে আমাদের ব্যাংকের শাখা হয়েছে ১২৫টি। এবছরেই আরো ১২টি শাখা উদ্বোধনের অপেক্ষায় রয়েছে। ভবিষ্যতে এসআইবিএল এর অগ্রযাত্রা অব্যাহত থাকবে বলে শেয়ারহোল্ডারদের আশ্বস্ত করেন তিনি।

তিনি বলেন, দরদী সমাজ গঠনের সমবেত প্রয়াসের স্বপ্ন থেকেই সোশ্যাল ইসলামী ব্যাংকের জন্ম। আমাদের ব্যাংক কর্পোরেট সোশ্যাল রেসপনসিবিলিটি বা সামাজিক দায়বদ্ধতামূলক কর্মকাণ্ডে বর্তমানে অগ্রনী ভূমিকা পালন করছে বলেও উল্লেখ করেন তিনি।



শেয়ারহোল্ডারগণ তাঁদের বক্তব্যে দক্ষ ব্যবস্থাপনা কর্তৃপক্ষ ও পরিচালনা পর্ষদের প্রতি তাঁদের আস্থার কথা তুলে ধরেন। তারা ব্যাংকের বর্তমান অবস্থায় সন্তুষ্ট এবং ভবিষ্যতে আরো ভালো অবস্থানে যাওয়ার আশাবাদ ব্যক্ত করেন। তারা সোশ্যাল ইসলামী ব্যাংক লিমিটেডকে একটি প্রথম সারির আধুনিক প্রগতিশীল ব্যাংক হিসেবে দেখতে চান। এসআইবিএল তার সকল ব্যবসায়িক কর্মকাণ্ডে অবিরাম উৎকর্ষতার প্রয়াস চালিয়ে যাবে এটাই তাদের প্রত্যাশা। শেয়ারহোল্ডারগণ তাদের বক্তব্যে এসআইবিএল এর মাননীয় চেয়ারম্যান বীর মুক্তিযোদ্ধা মেজর (অবঃ) ডাঃ মোঃ রেজাউল হক এর যোগ্য ও গতিশীল নেতৃত্বের ভূয়সী প্রশংসা করেন এবং তাঁর যোগ্য নেতৃত্বে এসআইবিএল আরও সামনে এগিয়ে যাবে বলে আশাবাদ ব্যক্ত করেন। সভায় শেয়ারহোল্ডারগণ ২০১৬ অর্থ বছরের জন্য ২০% নগদ লভাংশ অনুমোদন করেন।

দরদী সমাজ গঠনের প্রত্যয় নিয়ে সামনের দিকে এগিয়ে চলেছে সোশ্যাল ইসলামী ব্যাংক লিমিটেড। আমাদের ব্যাংক অত্যন্ত দক্ষতা ও প্রজ্ঞার সাথে সকল চ্যালেঞ্জ মোকাবিলা করে ২০১৬ সালে অব্যাহতভাবে সকল ব্যবসায়িক সূচকে প্রবৃদ্ধি অর্জনে সক্ষম হয়েছে। এ ধারা আমরা ২০১৭ সালেও বজায় রাখতে সক্ষম হব ইন-শা-আল্লাহ।